

Berjuang sembilan tahun demi mahu menabur bakti semula kepada rakyat

KUALA LUMPUR 16 Jan. - Semangat mahu terus memberi sumbangan serta berbakti kepada rakyat mendorong Dekan Fakulti Reka Bentuk dan Seni Bina Universiti Putra Malaysia (UPM) mengambil tindakan berani dengan mencabar dasar larangan masuk ke Amerika Syarikat (AS).

Prof. Dr. Rahinah Ibrahim, 49, berkata, tindakan beraninya menyaman kerajaan negara itu kerana menyedari larangan yang dikenakan ke atasnya sejak sembilan tahun lalu menyebabkan beliau tidak dapat berkongsi ilmu pengetahuan yang diperoleh selepas tamat pengajian dengan orang lain.

"Saya menyambung pelajaran

Saya bersyukur ke atas keputusan mahkamah yang berpihak kepada saya dan berharap tiada lagi orang lain melalui masalah yang sama selepas ini

DR. RAHINAH IBRAHIM

Dekan Fakulti Reka Bentuk dan Seni Bina UPM

menggunakan duit rakyat yang membayar cukai. Saya perlu kembali ke Amerika dan jika tidak berbuat demikian, saya tidak dapat berkongsi dengan banyak pihak mengenai agenda inovasi dan pengkomersialan.

"Kerjasama akademik antara AS dan Malaysia membolehkan rakyat di kedua-dua negara mencapai kejayaan," katanya dalam satu kenyataan di sini hari ini.

Semalam, Rahinah berjaya dalam samannya mencabar tindakan AS



menyenarai namanya sebagai orang yang diharamkan masuk ke negara berkenaan.

Akibat disenarai hitamkan oleh kerajaan AS, beliau menamatkan kajian peringkat doktor falsafah (PhD) di Malaysia dan berjaya menerima ijazah walaupun tidak dibenarkan menghadiri konvokesyen di California.

Laporan agensi berita sebelum ini menyatakan nama Rahinah termasuk dalam senarai larangan terbang AS kerana pihak berkuasa negara itu dipercayai keliru dengan pembabitan beliau dalam pertubuhan bukan kerajaan di California, Jamaah Islah Malaysia dengan pertubuhan yang dikaitkan dengan

Al-Qaeda, Jemaah Islamiyah.

Rahinah yang melanjutkan pengajian peringkat PhD di Universiti Stanford, California, ditahan di Lapangan Terbang Antarabangsa San Francisco pada 2005.

Dalam pada itu, beliau turut berhasrat menyambung semula program akademik di AS dan berharap UPM boleh memainkan peranan untuk mengukuhkan kerjasama dalam bidang penyelidikan dan pembangunan (R&D) khususnya dengan Universiti Stanford.

"Saya bersyukur ke atas keputusan mahkamah yang berpihak kepada saya dan berharap tiada lagi orang lain melalui masalah yang sama selepas ini," katanya.